

Datblygu'r ffurflen gofrestru ar-lein 'Cofrestru Busnesau Bwyd' (RAFB)

Adborth gan weithredwyr busnesau bwyd

Hysbysiad Preifatrwydd

Yr Asiantaeth Safonau Bwyd (ASB) yw 'Rheolydd' y data personol a ddarperir i ni.

Pa wybodaeth sydd gennym ni?

Mae'r wybodaeth bersonol sydd gennym ni amdanoch chi yn cynnwys eich manylion cyswllt: enw, cyfeiriad, math o fusnes, cod allanol (ardal cod post) rhif ffôn a chyfeiriad e-bost.

O ble'r ydym ni'n cael yr wybodaeth hon?

Mae'r ASB yn cael yr wybodaeth hon o'ch cofrestrriad busnes bwyd ar-lein.

Pam mae angen yr wybodaeth hon?

Mae angen i ni gasglu'r wybodaeth hon fel y gall yr ASB a/neu ymchwilydd ar ran yr ASB, gysylltu â chi trwy e-bost neu dros y ffôn i gael adborth er mwyn parhau â'r gwasanaeth cofrestru ar-lein. Rydych chi wedi cydsynio i ddarparu'r wybodaeth hon i ni, ond fe allwch chi newid eich meddwl ar unrhyw adeg trwy gysylltu â ni.

Beth fyddwn ni'n ei wneud â'r wybodaeth?

Dim ond ar gyfer datblygu'r gwasanaeth cofrestru ar-lein (RAFB) y bydd eich manylion personol yn cael eu defnyddio ac ni fyddant yn cael eu rhannu ag unrhyw drydydd partïon ac eithrio pan fydd ymchwilwyr allanol yn gwneud gwaith ar ran yr ASB.

Dim ond cyhyd ag y bo hynny'n angenrheidiol i gyflawni'r swyddogaethau hyn y byddwn ni'n cadw gwybodaeth bersonol, ac yn unol â'n polisi cadw. Mae hyn yn golygu, at ddibenion cael adborth ar y gwasanaeth, y byddwn ni'n cadw'ch data personol am 12 mis.

Mae'r holl ddata personol rydym ni'n ei brosesu yn byw ar weinyddion o fewn yr Undeb Ewropeaidd. Mae ein gwasanaethau cwmwl wedi'u caffael drwy gytundebau fframwaith y Llywodraeth a'u hasesu yn erbyn egwyddorion diogelwch cwmwl y Ganolfan Seiberddiogelwch Genedlaethol.

Os penderfynwch nad ydych am i ni gysylltu â chi bellach am y gwasanaeth ar-lein (RAFB), anfonwch e-bost gan gynnwys eich enw a manylion cyswllt y busnes bwyd at futuredelivery@food.gov.uk

Beth yw eich hawliau?

Mae gennych chi'r hawl i weld yr wybodaeth sydd gennym ni amdanoch chi drwy wneud cais ysgrifenedig i'r cyfeiriad e-bost isod. Os ydych chi ar unrhyw adeg o'r farn bod yr wybodaeth rydym ni'n ei phrosesu amdanoch chi yn anghywir, gallwch chi wneud cais i'w chywiro. Os hoffech chi wneud cwyn am y ffordd rydym ni wedi trin eich data personol, gallwch chi gysylltu â'n Swyddog Diogelu Data a fydd yn ymchwilio i'r mater.

Os nad ydych chi'n fodlon â'n hymateb neu os ydych chi o'r farn nad ydym ni'n prosesu eich data personol yn unol â'r gyfraith, fe allwch chi gwyno i Swyddfa'r Comisiynydd Gwybodaeth (ICO).

Ein Swyddog Diogelu Data yn yr ASB yw Arweinydd y Tîm Rheoli Gwybodaeth a Diogelwch. Gallwch chi gysylltu drwy anfon e-bost at:

informationmanagement@food.gov.uk